



**Miratimi i Udhëzimeve të reja për Përzgjedhjen e Lëndëve dhe Caktimin e Lëndëve në lëndët civile**

Asambleja e Gjyqtarëve të EULEX-it, me rastin e Asamblesë së shtatëmbëdhjetë të Gjyqtarëve të EULEX-it, të mbajtur në Prishtinë më 16 nëntor 2011, e përbërë nga këta Gjyqtarë:

Francesco Florit, Martti Harsia, Horst Proetel, Anne Kerber, Piero Leanza, Anna Bednarek, Laura Plesa, Roxana Comsa, Katerina Entcheva, Alexey Ivanov, Ondrej Pridal, Merja Helene Holme, Alfred von Keyserlingk, Arkadiusz Sedek, Gianfranco Gallo, Johanna Schokkenbroek, Jonathan Welford-Carroll, Verginia Micheva-Ruseva, Rositza Buzova, Dean Pineles, Cezary Dziurkowski, Vladimir Mikula, Gunnar Oyhaugen, Malcolm Simmons, Ingo Risch, Franciska Fiser, Wolfgang Lindemann, Witold Jakimko, Tore Thomassen, Annemarie Meister, Hajnalka Karpati, Nikolay Entchev, Nuno Manuel Ferreira de Madureira, Caroline Charpentier, Katja Dominik, Andrew Hatton

*me 21 vota për, 2 kundër, dhe 12 abstenime,*

VENDOS

**Të vërtetojë Udhëzimet e reja për Përzgjedhjen e Lëndëve dhe Caktimin e Lëndëve të Gjyqtarëve të EULEX-it në Lëndët Civile.**

Francesco Florit  
Kryetar i Asamblesë së Gjyqtarëve të EULEX-it

**ANEKS: Udhëzimet për Përzgjedhjen e Lëndëve dhe Caktimin e Lëndëve të Gjyqtarëve të EULEX-it në Lëndët Civile.**

EULEX Kosovë

Kryesia e Asamblesë së  
Gjyqtarëve të EULEX-it  
Gjykata Supreme e Kosovës  
Rruga Luan Haradinaj  
Avenjja e Policisë  
Fahu Postar: 268, 10000  
Prishtinë, Kosovë  
[www.eulex-kosovo.eu](http://www.eulex-kosovo.eu)  
[info@eulex-kosovo.eu](mailto:info@eulex-kosovo.eu)



# Udhëzime për Përzgjedhjen e Lëndëve dhe Caktimin e Lëndëve të Gjyqtarëve të EULEX-it në Lëndët Civile

## *Baza Ligjore*

Përzgjedhja dhe Caktimi i lëndëve të Gjyqtarëve të EULEX-it në lëndët civile do të bëhet në përputhje me Ligjin Nr. 03/L-053 mbi Kompetencat, Përzgjedhjen e Lëndëve dhe Caktimin e Lëndëve të Gjyqtarëve dhe Prokurorëve të EULEX-it në Kosovë, (tash e tutje “Ligji mbi Kompetencat”).

Këto udhëzime do të shtjellojnë përshkrimet mbi përzgjedhjen dhe caktimin e lëndëve në procedurë civile të caktuara me ligjin e lartpërmendur.

## *Parimet*

- **Transparenca**

Caktimi i lëndëve duhet të jetë transparent për akterët dhe jo-akterët në sistemin e drejtësisë.

- **Objektiviteti**

Të gjithë duhet ta dinë paraprakisht nga cili gjyqtarë ai/ajo do të gjykohej.

- **Fleksibiliteti**

Kushtet specifike të punës, dhe numri i gjyqtarëve të EULEX-it duhet të merren parasysht.

- **Qëndrueshmëria**

Sistemi për caktimin e lëndëve duhet të jetë shembull i zbatimit të duhur të drejtësisë të cilin gjyqtarët vendor mund (duhet) ta ndjekin në mënyrë që t'i arrijnë qëllimet e një administrimi të pavarur, transparent dhe efikas të drejtësisë.

- **Ndarja e barabartë e punës së gjyqtarëve**

### EULEX Kosovë

Kryesia e Asamblesë së  
Gjyqtarëve të EULEX-it  
Gjykata Supreme e Kosovës  
Rruga Luan Haradinaj  
Avenjja e Policisë  
Fahu Postar: 268, 10000  
Prishtinë, Kosovë  
[www.eulex-kosovo.eu](http://www.eulex-kosovo.eu)  
[info@eulex-kosovo.eu](mailto:info@eulex-kosovo.eu)



## ***Sistemi i përzgjedhjes dhe i caktimit të lëndëve***

### **1. Neni 5.1 a): Çështjet që kanë të bëjnë me Agjencinë Kosovare të Mirëbesimit**

**1.1.:** Në pajtim me Nenin 5.1 a) të Ligjit mbi Kompetencat Gjyqtarët e EULEX-it do të kenë kompetencë që të përzgjedhin dhe marrin përgjegjësi mbi lëndët që janë në kompetencë të Odës së Veçantë të Gjykatës Supreme të Kosovës lidhur me çështjet që kanë të bëjnë me Agjencinë Kosovare të Mirëbesimit, përfshirë këtu lëndët që i janë referuar ndonjë gjykatë tjetër në pajtim me ligjin në fuqi; Kompetenca e Odës së Veçantë së Gjykatës Supreme lidhur me çështjet që kanë të bëjnë me Agjencinë Kosovare të Mirëbesimit qeveriset nga Ligji mbi Kompetencat, Përzgjedhjen e Lëndëve dhe Caktimin e Lëndëve të Gjyqtarëve dhe Prokurorëve të EULEX-it në Kosovë dhe nga ligji tjetër në fuqi, aktualisht Rregullorja e UNMIK-ut Nr. 2002/13 e ndryshuar me rregulloret e UNMIK-ut 2008/4 dhe 2008/19.

**1.2.:** Ku Gjyqtarët e EULEX-it janë vendosur në kolegjet e odës së Veçantë, caktimi i lëndëve do të bëhet në pajtim me rregullat e brendshme të Odës së Veçantë, bazuar në kriteret objektive të paracaktuara dhe në kujdesin procedural. Rregullat e tilla të brendshme do të përpilohen veçmas, duke marrë parasysh strukturën specifike të Odës së Veçantë.

### **2. Neni 5.1 b): Ankesat mbi vendimet e Komisionit Kosovar për Kërkesa Pronësore**

**2.1.:** Në pajtim me Nenin 5.1 b) të Ligjit mbi Kompetencat Gjyqtarët e EULEX-it do të kenë kompetencë që të përzgjedhin dhe marrin përgjegjësi mbi lëndët që janë në kompetencë të cilësdo gjykatë të Kosovës lidhur me ankesat kundër vendimeve të Komisionit Kosovar për Kërkesa Pronësore në pajtim me ligjin në fuqi. Kompetenca e kolegjit për ankesa të Agjencisë Kosovare të Pronës në Gjykatën Supreme udhëhiqet me Rregulloren e UNMIK-ut 2006/10 të ndryshuar me Rregulloren e UNMIK-ut 2006/50.

**2.2.:** Ku Gjyqtarët e EULEX-it janë vendosur në kolegjin ku ka kompetencë mbi ankesat kundër vendimeve të Komisionit Kosovar për Kërkesa Pronësore, nuk ka nevojë për qartësime të mëtejme në përzgjedhjen e lëndëve. Caktimi i lëndëve do të bëhet në pajtim me rregullat e brendshme, bazuar në kriteret objektive të paracaktuara dhe në kujdesin procedural. Rregullat e tilla të brendshme do të përpilohen veçmas, duke marrë parasysh strukturën specifike të Kolegjit për Ankesa.

#### **EULEX Kosovë**

Kryesia e Asamblesë së  
Gjyqtarëve të EULEX-it  
Gjykata Supreme e Kosovës  
Rruga Luan Haradinaj  
Avenjya e Policisë  
Fahu Postar: 268, 10000  
Prishtinë, Kosovë  
[www.eulex-kosovo.eu](http://www.eulex-kosovo.eu)  
[info@eulex-kosovo.eu](mailto:info@eulex-kosovo.eu)



### 3. Neni 5.1 c): Gjykatat Komunale, Gjykatat e Qarkut dhe Gjykata Supreme

**3.1.:** Gjyqtarët e EULEX-it të caktuar në procedurë civile do të kenë kompetencë që të për zgjedhin dhe marrin përgjegjësi mbi lëndët e reja dhe të pazgjidhura pronësore civile, përfshirë edhe procedurat ekzekutive që bien nën juridiksion të secilës gjykatë në Kosovë nëse përmbushen kushtet e përmendura në Nenin 5 paragrafin 1, pikën c) nën-pikat (i), (ii) ose (iii) të Ligjit mbi Kompetencat.

**3.2** Autoriteti për zgjedhës i Gjyqtarit Civil të EULEX-it do të ushtrohet përmes vlerësimit ligjor i cili duhet të jetë i bazuar sipas kushteve të nenit 5, paragrafit 1, pikës c), nën-pikave (i) ose (iii) të Ligjit mbi kompetencat, dhe menjëherë duhet t'i dërgohet Kryetarit të Asamblesë së Gjyqtarëve të EULEX-it për vendim përfundimtar.

Vetëm në rastet kur lënda nuk ka të bëjë me pronën ose kur qartazi nuk ekziston dyshim i bazuar në kuptim të Nenit 5, paragrafit 1, pikës c), nën-pikave (i), (ii) ose (iii), të Ligjit mbi kompetencat, gjyqtari civil i EULEX-it do të marr vendimin përfundimtar dhe neni 5, paragrafi 7 i Ligjit mbi kompetencat nuk ka nevojë të zbatohen.

**3.3.** Termi "lëndët civile që kanë të bëjnë me pronën" në këtë udhëzim do të kuptohen ashtu siç është përkufizuar në Rekomandimin e miratuar nga Asambleja e 9-të e Gjyqtarëve të EULEX-it, më 11 mars 2010.

**3.4.:** Lista në vijim përmban shembuj të lëndëve civile që kanë të bëjnë me pronën të cilat bien në fushëveprimin e Nenit 5, paragrafit 1, pikës c) të Ligjit mbi kompetencat dhe mund, por jo patjetër, të për zgjidhen nga Gjyqtarët e EULEX-it:

- a) Lëndët për kompensim kundër UNMIK-ut, KFOR-it, Komunave dhe personave privatë si rrjedhojë e ngjarjeve të vitit 1999 dhe 2004, të cilat janë pezulluar nga UNMIK-u;
- b) Lëndët e dërguara në gjykatat kompetente vendore nga Komisioni për Kërkesa Banesore Pronësore (KKBP);
- c) Lëndët e dërguara në gjykatat kompetente vendore nga Komisioni i Kërkesave Pronësore të Kosovës (KKPK);

#### EULEX Kosovë

Kryesia e Asamblesë së  
Gjyqtarëve të EULEX-it  
Gjykata Supreme e Kosovës  
Rruga Luan Haradinaj  
Avenjja e Policisë  
Fahu Postar: 268, 10000  
Prishtinë, Kosovë  
www.eulex-kosovo.eu  
info@eulex-kosovo.eu



- d) Lëndët për pronën e patundshme private përfshirë pronën bujqësore dhe komerciale që bien brenda juridiksionit të Agjencisë Kosovare të Pronës dhe të cilat gabimisht janë dorëzuar në gjykatat vendore;
- e) Lëndët për patundshmëri private përfshirë pronën bujqësore dhe komerciale të cilat janë në mandatin e Agjencisë Kosovare të Pronës, dhe të cilat janë dorëzuar në gjykata vendore pas skadimit të afatit për parashtrimin e padisë (3 dhjetor 2007) të zbatueshme për Agjencinë Kosovare të Pronës;
- f) Lëndët e deleguara në gjykatat vendore nga Oda e Veçantë e Gjykatës Supreme të Kosovës lidhur me çështjet që kanë të bëjnë me Agjencinë Kosovare të Mirëbesimit, në përputhje me nenin 4.2 të Rregullores së UNMIK-ut 2008/4;
- g) Lëndët e ekzekutimit Civil lidhur me lëndët që bien në njërin nga kategoritë e përmendura më lart;
- h) Lëndët e tjera të ngjashme civile që kanë të bëjnë me pronën.

**3.5.:** Përmbushja e kushteve të përcaktuara në Nenin 5, paragrafin 1, pikën c), nënpikat (i), (ii) dhe (iii) të Ligjit mbi kompetencat që rezulton me përzgjedhjen e një lënde civile nuk kërkon përjashtimin paraprak të gjyqtarit kosovar sipas neneve 71-75 të Ligjit mbi procedurën kontestimore (Gazeta Zyrtare e RSFJ-së 4/77, 36/80, 69/82, 58/84, 74/87, 57/89, 20/90, 27/90, 35/91 dhe Gazetës Zyrtare të RSFJ-së Nr. 27/92, 31/93, 24/94, dhe 12/98) ose sipas neneve 67-71 të Ligjit nr. 03/L-006 mbi procedurën kontestimore (Gazeta Zyrtare e Republikës së Kosovës, Nr. 38/08).

**3.6.:** Në pajtim me Nenin 5, paragrafin 7, fjalia e parë e Ligjit mbi Kompetencat, gjyqtari vendor i caktuar ose që do të caktohet në lëndë, kryetari i gjykatës kompetente dhe palët në procedurë do ta kenë të drejtën të dëgjohen nga Kryetari i Asamblesë së Gjyqtarëve të EULEX-it, gjatë seancës për marrjen e lëndës, ose duke iu dhënë atyre mundësinë që të dorëzojnë deklaratë me shkrim brenda 7-ditëve nga data e njoftimit. Nenet 103-120 të Ligjit mbi procedurën kontestimore do të zbatohen për dërgimin e dokumentacionit gjatë procedurës për marrjen e lëndës.

**3.7.:** Kryetari i Asamblesë së Gjyqtarëve të EULEX-it mund t'ia delegojë kompetencat e tij një gjyqtarit të EULEX-it sipas nenit 5, paragrafit 7 të Ligjit mbi kompetencat dhe nenit të lartpërmendur 3.6.

#### EULEX Kosovë

Kryesia e Asamblesë së  
Gjyqtarëve të EULEX-it  
Gjykata Supreme e Kosovës  
Rruga Luan Haradinaj  
Avenjja e Policisë  
Fahu Postar: 268, 10000  
Prishtinë, Kosovë  
www.eulex-kosovo.eu  
info@eulex-kosovo.eu



**3.8.:** Kryetari i Asamblesë së Gjyqtarëve të EULEX-it apo gjyqtari i caktuar i EULEX-it do të sjell një vendim për caktimin e lëndës një gjyqtari të EULEX-it ose një kolegji, siç kërkohet me ligjin procedural të aplikueshëm. Vendimi do të jetë i bazuar sipas nenit 5, paragrafit 1, pikës c), nënpikave (i), (ii) ose (iii) të ligjit mbi kompetencat dhe mbi kundërshtimet e ngritura nga palët. Nuk do të lejohet ankesë kundër këtij vendimi. Vendimi duhet t'i komunikohet Kryetarit të gjykatës kompetente dhe palëve në procedurë.

#### **4. Përbërja e kolegjeve dhe caktimi i lëndëve**

**4.1.:** Në pajtim me Nenin 5, paragrafin 2, fjalinë e dytë të Ligjit mbi Kompetencat, kolegjet do të përbëhen nga tre gjyqtarë, dy prej të cilëve do të jenë gjyqtarë të EULEX-i, përveç nëse kjo shumicë përjashtohet nga Kryetari i Asamblesë së Gjyqtarëve të EULEX-it sipas nenit 5, paragrafit 5 të Ligjit mbi kompetencat. Kryetar i kolegjit do të jetë një Gjyqtarë i EULEX-it.

**4.2.:** Lëndët civile të marra përsipër do tu caktohen gjyqtarëve civil të EULEX-it të Gjykatës së Qarkut përkatëse në bazë të orarit të brendshëm.

**4.3.:** Gjyqtarët e Kosovës – anëtarët e kolegjit do të caktohen nga Kryetari i Gjykatës kompetente pas kërkesës së Personit kontaktues të Ekipit të EULEX-it në Gjykatë.

**4.4.** Gjyqtari i EULEX-it të cilit i është caktuar lënda civile është përgjegjës për gjykimin e saj, si dhe për marrjen e një aktgjykimi dhe/ose aktvendimeve në procedurë.

**4.5.:** Nëse asnjë gjyqtar civil i EULEX-it në Gjykatën përkatëse të Qarkut nuk është në gjendje ta vendosë lëndën sipas rregullave të procedurës së aplikueshme, një gjyqtar civil i EULEX-it nga një Gjykatë e Qarkut tjetër do të caktohet nga Kryetari i Asamblesë së Gjyqtarëve të EULEX-it, ku:

- Gjyqtarët civil të EULEX-it të Gjykatës së Qarkut në Prishtinë do të caktohen në lëndët e Gjykatës së Qarkut në Gjilan dhe Gjykatës së Qarkut në Mitrovicë dhe *anasjelltas*;
- Gjyqtarët civil të EULEX-it të Gjykatës së Qarkut në Prizren do të caktohen në lëndët e Gjykatës së Qarkut në Pejë dhe *anasjelltas*.

#### **EULEX Kosovë**

Kryesia e Asamblesë së  
Gjyqtarëve të EULEX-it  
Gjykata Supreme e Kosovës  
Rruga Luan Haradinaj  
Avenyja e Policisë  
Fahu Postar: 268, 10000  
Prishtinë, Kosovë  
www.eulex-kosovo.eu  
info@eulex-kosovo.eu



- 4.6.: Në rast të ndonjë sëmundje apo situatë tjetër të papritur, zëvendësuesi do të caktohet nga Kryetari i Asamblesë së Gjyqtarëve të EULEX-it nga sektori tjetër i gjykatës përkatëse të qarkut ose nëse është e nevojshme do të aplikohet sistemi i përcaktuar në Nenin 4.5.

**EULEX Kosovë**

Kryesia e Asamblesë së  
Gjyqtarëve të EULEX-it  
Gjykata Supreme e Kosovës  
Rruga Luan Haradinaj  
Avenjja e Policisë  
Fahu Postar: 268, 10000  
Prishtinë, Kosovë  
[www.eulex-kosovo.eu](http://www.eulex-kosovo.eu)  
[info@eulex-kosovo.eu](mailto:info@eulex-kosovo.eu)